



Broj: 05-12-1-428-1/23SD
Mostar, 21.8.2023. godine

Rješavajući po zahtjevu Nešković d.o.o. Bijeljina koji je zaprimljen u Institutu za intelektualno vlasništvo Bosne i Hercegovine (u daljem tekstu: Institut) dana 3.8.2023. godine pod brojem 05-12-1-428/23, na temelju članka 14. stavak (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00,45/06,102/09,62/11 i 100/13), **d o n o s i s e**

RJEŠENJE

1. **ODOBRAVA SE** Zahtjev za slobodni pristup informacijama podnesen od Nešković d.o.o. Bijeljina, kao osnovan.
2. Informacije po predmetnom Zahtjevu sadržane su u obrazloženju ovog Rješenja.
3. Ovo rješenje stupa na snagu danom donošenja.

Obrazloženje

Dana 3.8.2023. godine u Institutu je zaprimljen Zahtjev za slobodni pristup informacijama (u daljem tekstu: Zahtjev) od Nešković d.o.o. Bijeljina (u daljem tekstu: podnositelj zahtjeva). Podnositelj zahtjeva je zatražio da mu se omogući pristup sljedećim informacijama.

“1. Da li je između “Amus” Sarajevo i reprezentativnog udruženja hotelijera i ugostitelja zaključen kolektivni ugovor za korištenje muzičkih djela u ugostiteljskim i smještajnim objektima u BiH s obzirom da je rok važenja postojećeg ugovora od dana 31.3.2017. godine istekao.

2. Zašto Vijeće za autorsko i srodna prava nije donijelo odluku o privremenoj tarifi iz člana 12. i 13. Isteklog kolektivnog ugovora s obzirom da su rokovi za pregovore između kolektivne organizacije i reprezentativnog udruženja hotelijera istekli.

3. Da li se pojedinačni ugovori o korišćenju zaštićenog repertoara putem javnog izvođenja autorskih muzičkih djela koji su zaključeni između “Amus” Sarajevo i “DM Drogerie Markt” d.o.o. Sarajevo, “BBI Reel estate” d.o.o. Sarajevo, “ZARA BH” d.o.o. Sarajevo mogu primjenjivati na treća lica koja nisu ugovorne strane, s obzirom da su u pitanju ugovori inter partes, te da li su zaključeni novi pojedinačni ugovori između gore navedenih ugovornih strana.

4. Da li su zaključeni kolektivni ugovori za javno saopštavanje muzičkih autorskih djela između kolektivne organizacije i reprezentativnog udruženja na teritoriji BiH u smislu člana 23., 24. i 25. Zakona o kolektivnom ostvarivanju autorskih i srodnih prava u BiH i ako to nije učinjeno, zašto nije učinjeno.”

Uvidom u Zahtjev utvrđeno je da isti podnesen u odgovarajućoj formi sukladno odredbama članka 11. Zakona o slobodi pristupa informacijama u Bosni i Hercegovini i da ne postoje zakonski izuzeci od pružanja informacija.

Odgovor:

WEB: www.ipr.gov.ba; e-mail: info@ipr.gov.ba

Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;

Tel: Protokol +387 36 33 43 81; Ured ravnatelja i zamjenika ravnatelja +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 95, lamela C – 3.kat; e-mail: sarajevo@ipr.gov.ba;

Fax: +387 33 65 27 57; Tel: Protokol +387 33 65 27 65;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40

Odjeljenja: Nacionalni žig, Međunarodni žig +387 33 65 27 98; Patenti +387 33 61 80 95, +387 36 33 43 81;

Industrijski dizajn, Autorsko i srodna prava +387 36 33 43 81;

1. Prema Informacijama koje je Institut dobio od kolektivne organizacije AMUS, poziv za pregovore sa reprezentativnim udruženjem korisnika iz kategorije hotelijeri i ugostitelji, radi zaključenja novog Kolektivnog ugovora, objavljen je u Službenom glasniku BiH broj 6/23 od 27.01.2023. godine i pregovori su još u tijeku. Institut ne sudjeluje u pregovorima između kolektivnih organizacija i reprezentativnih udruženja korisnika, niti na isti daje suglasnost. Člankom 12. stavak (2) važećeg Kolektivnog ugovora propisano je da će se važenje ugovora produžiti kao važeća privremena tarifa do završetka pregovora za njegovu izmjenu i dopunu ili do drugačije odluke Vijeća za autorsko pravo.
2. Vijeće za autorsko pravo nije formirano. Od stupanja na snagu Zakona o kolektivnom ostvarivanju autorskog i srodnih prava (2010. godine) Institut je dva puta objavljivao Javni poziv kolektivnim organizacijama i reprezentativnim udruženjima korisnika za isticanje kandidature za članove Vijeća za autorsko pravo i proveo proceduru u skladu sa člankom 34. navedenog Zakona. Posljednji put je procedura provedena u aprilu/travnju 2018. godine, nakon koje je Institut uputio Odluku o formiranju Vijeća za autorsko pravo na davanje mišljenje nadležnim institucijama Bosne i Hercegovine, što je neophodna procedura prije upućivanje prijedloga Odluke na usvajanje i imenovanje članova Vijeća za autorsko pravo od strane Vijeća ministara Bosne i Hercegovine. Institut nije dobio mišljenje od svih institucija. Stav Instituta je da će se rješavanju ovog pitanja pristupiti prilikom izmjene i dopune postojećeg zakona ili donošenja novog zakona i podzakonskih akata iz oblasti kolektivnog ostvarivanja autorskog i srodnih prava, u skladu sa najboljim praksama u ovoj oblasti. Procedura izmjene i dopune navedenih Zakona je u tijeku.
3. Reprezentativno udruženje koje okuplja tržne centre (i sl. korisnike muzičkih autorskih djela, npr. lanci marketa, prodavnice) nikada nije formirano, u takvim slučajevima primjenjuje se članak 24. stavak (3) Zakona o autorskom i srodnim pravima („Službeni glasnik BiH“ br. 63/10) kojim je propisano da se Kolektivnim ugovorom smatra se i ugovor koji zaključi kolektivna organizacija s pojedinim korisnikom autorskih djela iz njenog repertoara ako je on zbog prirode svoje djelatnosti jedini koji obavlja tu djelatnost. Odredbe ovog zakona koje se odnose na reprezentativno udruženje korisnika primjenjuju se na odgovarajući način i na pojedinog korisnika iz ovog stavka. Prema informacija koje je Institut dobio od kolektivne organizacije AMUS, novi ugovori nisu zaključeni jer korisnici (iz ove kategorije) smatraju da je ugovorena naknada pravična.
4. Da bi Institut mogao dostaviti valjanu informaciju potrebno je da se precizno definiše o kojoj kategoriji korisnika autorskih djela se radi (emiteri, javni servis, kablovski operateri, hotelijeri i ugostitelji, koncerti i sl.) da bi smo mogli dostaviti Kolektivni ugovor sa reprezentativnim udruženjem korisnika iz određene kategorije. Kao što smo već naveli u prethodnom odgovoru, Institut ne učestvuje u pregovorima između KO i reprezentativnog udruženja korisnika, niti se Institutu dostavljaju pozivi za pregovore, već se isti objavljuju u SG BiH. Na web stranici AMUS-a www.amus.ba možete pronaći sve kolektivne ugovore sa korisnicima.

Temeljem navedenog, odlučeno je kao u dispozitivu.

Protiv ovog rješenja može se uložiti žalba Žalbenom vijeću pri Vijeću ministara Bosne i Hercegovine na adresi Trg BiH 1, 71000 Sarajevo u roku od 15 dana od dana prijema rješenja. Upućujemo podnositelja zahtjeva da se može obratiti i Ombudsmenu za ljudska prava u bilo kojoj fazi postupka na adresu: Ombudsman za ljudska prava BiH, glavni ured na adresi Akademika Jovana Surutke 13., 78 000 Banja Luka, područni ured na adresi Dubrovačka 6., 71 000 Sarajevo i područni ured na adresi Kneza Višeslava bb, 88.000 Mostar.


ravnatelj
Josip Merdžo

DOSTAVLJENO:

-podnositelju zahtjeva na adresu: Nešković d.o.o., Sremska broj 3, 76 300 Bijeljina
-a/a